



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel  
Francofurti Ad Moenum, 1690**

Caput I. (a) Alexand. III.

---

[urn:nbn:de:hbz:466:1-74526](#)

## TITVLVS XLV.

## De reliquiis, & veneratione Sanctorum.

## C A P U T I

(a) Alexand. III.

**A** Udivimus, quod quidam inter vos, diabolicâ fraude decepti, hominem quendam in potatione, & ebrietate occisum, quasi sanctum more infidelium venerantur, cùm vix pro talibus in ebrietatis peremptis orare (b) permittat Ecclesia. Dicit enim Apostolus, quod ebriosi homines regnum Dei non possidebunt. Hominem ergo illum de cætero colere non præsumatis, cùm etiam si per eum miracula plurima fierent, non liceret vobis pro (c) Sancto absque auctoritate Rom. Eccl. eum publicè venerari.

## NOTÆ.

(a) **A**lexander III. Ita etiam legitur in capite unic. sub titul. de venerat. Sancti. in 2. collect. nullibetamen exprimitur, cui referat Pontifex; facilè tamen id colligitur ex historia hujus textus relata à Baronio anno 1181. ubi refert, Arnulphum Lexoviensem Episcopum Alexandro III. retulisse ingentem dissolutionem monachorum cœnobii Grifstani, qui inter alia impia scelerâ se mutuis vulnibus sape configabant, ac nihilominus, ut miracula facere crederentur, & quibuslibet commentis fœcularium personarum frequentes invitarent accessus, sanitas remedia per aquam certis carminibus incantata promittebant. Tandem reculit Lexoviensis Praeful, procuratorem ipsius monasterii ebrium in refectorio super cenam duos de fratribus cultello percussisse, cundemque ab eis in continentia pertica, quam casus obtulit, occisum fuisse. Quidnam tamen ad hæc rescripsisset Alexander, non constat, licet extet prædicta epistola Episcopi Arnulfi. Unde conjectatur Baronius, quod cum prædictus procurator in ebrietate occisus, martyris titulo impudenter ab illis monachis miracula affectantibus coletur, Alexander III. ne id fieret, rescripsisse in præsenti textu, & sic juxta hanc Baronii sententiam ita restituenda est præfens inscriptio: **Alexander III. monachis Grifstanis;** quod monasterium S. Mariæ de Grifstan dictum, est in diœcesi Lexoviensi, ut refert Tambar. in serie **Abbat.** verbo Lexovien.

(b) *Permitiat orare.* [S]iquidem illi excommunicati sunt donec emendentur. Concil. Mogunt. sub Carolo, can. 46, ibi: *Malum magnum ebrietatis, unde omnia vita pullulanis, modo omnibus cavere precipimus; & qui hoc cavere non merit, excommunicandum eum est decretum usque ad emendationem congruam. Plura de ebrietate concessi in cap. à crapaula, de vita & honest. clericor.*

(c) *Sanctum.*] *Sanctus quis, & quatenus dicitur, etiam apud Gentiles, exponit Filescacus lib. 1. selecit. cap. 4.*

**C O M M E N T A R I U M .**

**E**X hoc texu sequens vulgo deducitur assertio: *Nemo potest pro Sancto venerari, nisi ab Apostolo Canticis Sede fuerit declaratus, quamvis miracula ostendat.* Probat eam textus in cap. 2. hoc tit. cap. unic. hoc tit. in 6. Trident. sess. 25. de reform. cap. 2. Illustrare ultra congetus a Barbolâ, & Garanna hic, P. Gregorius lib. 13. derepub. cap. 24. & lib. 2. syntag. cap. 11. & libro 1. part. tit. 14. cap. 3. Sanchez lib. 2. summae cap. 43. Mendoza lib. 3. Concil. Illib. cap. 48. Volduc. de Ecclesiast. post legem. cap. 13. Cesar de Ecclesiast. hierarch. disputat. 1. s. 4. num. 5. Corjolanus in brevior chronical. anno 1.89. Carter. tom. 2. Digesti fidei. fol. 1103. Albapineus in nota ad Optatum. fol. 122. Saulay in apparatu ad Martyrol. Gall. cap. 22. & tom. 2. in Apolog. § 3. 4. & 9. ad finem. Vivar. ad Marcum Maximum; in S. Joanne Eremita vindicatio. §. 3. 6. & 8. Hurtado de vero martyrio per pestem. resol. 43. §. 8. Durantius de rit. Ecclesie. lib. 1. cap. 5. Torreblanca de iure spiritu. lib. 1. cap. 11. P. Quintanadvenas in sancto Tolet. adver. 14. Fortunatus Schactus de veneratione. Sanctor. scilicet 1. cap. final in fine. Marinis allego. 50. Thom. Delbene de offic. Inquisit. 2. p. dub. 234. sect. 1.

Sed in præsentem assertione ita pro dubi-  
tandi ratione insurgi potest : Ut defunctus pro Traditione  
sancto veneretur, sufficit ut publicè ad cultum,  
& venerationem exponatur. Synod. F. ancoif.  
celebrata temporibus Caroli Magni, can.42, ibi:  
*Ut nulli novis sancti colantur, aut inveniuntur, nec me-  
moria eorum per vias erigantur ; sed hi soli in Ec-  
clesia venerandi sunt, qui ex autoritate passorum,  
& vita merito electi sunt.* Synodus Mogunt.  
can.51. Et Episcopio auctoritas sufficit, ut publi-  
cè venerandus proponatur. Constat ex Capitul.  
Caroli, inter excerpta, cuius verba sunt: *De Ec-  
clesiis, seu Sanctis noviter, & sine auctoritate inven-  
tis, nisi Episcopo probante, minimè venerantur.*  
D. Cyprian, epist. 37, ibi : *Denique & dies San-  
ctorum, quibus excedunt, annotare, ut commemo-  
rations eorum inter memorias martyrum celebrat*  
zofimus.

**possimus.** Et de examine super Sanctorum vita  
habito ab Episcopo, seu Metropolitanu, plura  
D. Augustin. in breviculo collationis, die 3. cap. 13.  
Eusebius lib. 3. his. Eccles. cap. 14. & lib. 5. cap. 15.  
& lib. 8. cap. 20. & in cap. venerabili, de test.  
Episcopi recipient testes de vita, & miraculis  
B. Mauricii: & in cap. 2. de consecr. dist. 3. cap.  
final. de feris, docent servandas esse eas festivit  
ates, quas singuli Episcopi in suis diocesisibus  
cum Clero, & populo duxerint venerandas. Igitur  
non desideratur Pontificis auctoritas, sed  
sufficit Episcopi licentia, ut Sanctus publice ve  
nerari possit. Accedit, nam Episcopus in pro  
pria dioecesi rectius agnoscere potest vitam, &  
miracula illius, qui in eis dicebuntur, quam  
Pontifex, qui procul remotos per relationem  
tantum merita, & mores defuncti agnoscere va  
let. Ergo potius ad Episcopum dioecesanum,  
quam ad Pontificem Sanctorum canonizatio  
spectare debet. Augetur haec discussio ex eo;  
nam miracula facere, praecepit post mortem,  
magnum praebet Sanctitatis argumentum, ut  
probatur ex litteris Alexandri III. datis Si  
gnate 4. Idus Martii, anno Domini 1173, pro  
canonizatione S. Thomae Cantuari. Episcopi:  
Redolent Anglia fragrantia, & virtute signorum,  
qua per merita illius Sancti Cantuariensis Archie  
piscopi, omnipotens Dominus operatur. Et infra:  
His ergo auditus monumentum, & magnis miracu  
lis, que jugiter per illius sancti viri merita fieri uni  
versitas narrat fidelium. Et ex litteris Gregorii  
IX. datis Perusii anno 1228. pro canoniza  
tione S. Francisci, ibi: Viam ejus sibi fuisse  
acceptam, & ipsius memoriam esse a Militanti Ec  
clesia venerandam, multis, & praelaris miraculis  
declaravit. Probant latè Fortun. Schaeucus de  
venerat. Sanctor. scilicet 6. cap. 7. Smitheus in floribus  
Anglia, in vita S. Augusti fol. 71. cum sequente.  
Igitur si in praesenti specie ultra publicam expo  
sitionem accedebant miracula, recte poterat ille  
ut Sanctus venerari, eti Apostolica auctoritas  
non aedeser.

**De publica approba  
zione de  
functi ve  
nerandi.**  
Qua difficultate ita fulcitur non obstante, ve  
ra est praesens assertio, pro cuius expositione  
sciendum est, in nulla ex religionibus, Hebraica,  
Gentilica, & Catholica, absque prævia discussio  
ne, & solenni approbatione aliquem publice ve  
nerari potuisse. In lege veteri hanc  
approbationem, & canonizationem ad effe  
ctum publica venerationis usitatum fuisse,  
probant Bellarminus decalitus Sanctorum cap. 7. Con  
telorius de canoniz. Sanctor. cap. 3. & probatur  
ex cap. 44. Eccles. ibi: Laudemus viros glorioſos,  
& parentes nostros in generatione sua, &c. & ibi:  
Omnes isti in generationibus gentis sue gloria  
adepsi sunt, & in diebus suis habentur in laudibus.  
Apud Romanos peculiari lege cautum fuit, ne  
quis ut Deus veneraretur, nisi a Senatu publice  
approbat. Tertulian. Apolog. cap. 5. ibi: Ut de  
origine aliquid retrahemus, ejusmodi legum vetus  
era decretum, ne quis Deus ab Imperatore consecra  
retur, nisi a Senatu approbat. Eusebius lib. 2. c. 2.  
ibidem: Lex etenim era antiquitus designata, ne quod  
apud Romanos Deus haberetur, nisi Senatus decretum,  
& sententia confirmatus. Probat Ambianus ad  
Tertulian. ubi supra, Textorius lib. 1. officina, cap. 12.  
De Atheniensibus idem probat Samuel Petitus  
ad ius Atticum lib. 1. tit. 1. in princip. In Ecclesia  
Catholica constat perpetuum motum esse, ut  
nullus, nec martyr quidem, absque alia prævia  
cadav.

discussione, & approbatione inter Sanctos recen  
seretur, quos pietas Christiana more majorum  
colere confluavit. De ea enim re ex aegregius  
locus Optati Milevit. lib. 1. advers. Parmen. dum  
ait: Cum correctionem Archidiacomi Caglianii  
ferre non posset, que ante spiritualem cibum, & po  
tum os nefio cuius Martyrus, si tamen Martyrus,  
libare dicebatur; & cum proponeret calici sa  
lutari os nescio cuius hominis mortuus, eti Martyrus,  
sed nondum vindicato, correptum cum confessione mala  
dixisset. Quibus verbis planè Optatus significat,  
netas fuisse Lucilla potenti, ac factiose feminæ  
Donatistarum venerari reliquias Martyris aliqui  
jus non vindicati, hoc est nondum probati, &  
recepti. Mortis enim erat, ut cum aliquis marty  
rio occubuisse, Episcopus, sub cuius ditione  
id accidisset, rem gestam scriberet ad Primum  
Episcopum, à quo mature adhibitis in consilium  
Collegis Episcopis, an inter Martyres efficeret  
piendus, decernebatur: cuius rei ritum, & ordi  
nem referit D. Augustinus in breviculo collat. die 3.  
cap. 13. & ex eo Baronius in martyrol. die 2. Apri  
lis. Hac autem discussio, & approbatio verfa  
tur circa duo defunctorum genera: quia, aut  
defunctus ob fidem Christi occisus, aut est  
mortuus confessor; & ad utrumque genus perfo  
narum beatificandarum desiderantur exactæ dis  
cussiones de vita, & moribus, & fama publica  
sanctitatis, exercitio virtutum, maximè theolo  
gicalium, si fuerit Confessor, de quo etiam ex  
aminantur miracula. In Martyribus autem non sit  
miraculorum inquisitio, & multò minor dili  
gentia adhibetur: tantum inquiritur fortitudo,  
& charitas, quā mortem subierit, quam intulit  
tyrannus in oilium fidei. Causa etiam, que marty  
rem facit, diligentissimè est inquirenda, ne  
ista negotiationibus implicita decurpetur; sed  
quod solum fuerit Evangelii propagatio, fidei  
que confessio, & mortis ex charitate Dei, juxta  
sententiam D. Hieronymi in Psalmum 115. Erat  
autem pernecessaria hujusmodi de martyribus  
inquisitio, non tantum ob prædictas causas, sed  
quoniam haeretici, atque schismatiци aliquando  
pro Christi nomine à persecutoribus tormenta  
pati videbantur, & mortem, & quidem ipsi in ferè  
nascentis fidei exordiis, cum omnia Martyrum  
sanguine redundarent, ut scribit Eusebius lib. 4.  
his. cap. 14. prope finem, & lib. 5. cap. 15. & lib. 8.  
cap. 20. & S. August. de Donatist. sape testatur;  
quos omnes, ut alienos à fide, & communione  
catholica Dei Ecclesia respuere consuevit. Cum  
ex sententia Cypriani, & Augustini, omnium  
que orthodoxorum, quicquid aliquis extra Ec  
clesiam patitur, non martyrium censendum, sed  
descenda sit pena perfidae. An vero incorruptio  
cadaveris argumentum præbeat sanctitatis, fuisse  
examinat Theoph. tom. 13. tract. de incorrup  
tione.

Deinde sciendum est, Sanctos præcedente hac  
vite, & miraculorum discussione, beatificari,  
& postea canonizari: nec est confundenda beatifi  
catione cum canonizatione; siquidem magnum  
discrimen verlatur inter unam, & aliam. Beato  
rum enim cultus fidelibus permittitur, canoni  
zatorum augem præcipitur; & propositio isto  
rum ad fidei certitudinem spectat, non vero illo  
rum; licet enim canonizationem Sanctorum non  
omnino ad fidem pertinere, & ideo errori sub  
iectam esse censurunt Glossa verbo Sedi Apo  
stolica, hoc tit. lib. 6. Cano lib. 5. de locis Theolog.  
cap. 5.

cap. 5. vers. Præterea canoniz. contrarium tamen verius est, videlicet in canonizatione Sanctorum Pontificem errare non posse, ut defendunt Vivat. ubi supra, §. 2. Diana p. 11. tract. 2. resl. 15. nam Pontifex in canonizatione alicuius Sancti ita loquitur: *Auctoritate Domini nostri Iesu Christi, & BB. Petri, & Pauli Apologetorum ejus, ac nostrâ, N. in caelestem Hierusalem fuisseceptum & eterna gloria corona donatum, de fratribus nostrorum consilio declaramus, eumque tanquam Sanctum publicè, privatimque colendum esse decernimus, & definimus.* Ut ex Bullis variorum Sanctorum referunt Diana, & Vivat, ubi supra, Cæsar de Eccles. hierarch. diffus. 1. §. 4. num. 8. Carrier. tom. 2. digest. fid. tit. de Pontif. Rom. fol. 1104. Igitur cum talis definitio fiat pro tota Ecclesia, qua tenetur Pontifici obedere, errori non est subjecta. Non me late quosdam olim Romanos Pontifices, prius quam definitionem canonizationis alicuius Sancti pronunciassent, publicè protestari consueverunt, sua intentionis non esse aliquem exinde in Ecclesiastem errorem inducere, ut refert Christoph. Mare. Arch. Corcir. lib. 1. sacrar. ceremon. ad Leonem X. sett. 6. cap. 2. ubi sub titulo *De his qua sunt in die canoniz.* ita habetur: *Pontifex antequam pronunciet, consuevit protestari in hanc formam, quam invenimus servatam à multis Pontificibus: Antequam ad pronunciationem veniamus, protestamur publicè apud vos omnes hic presentes, quod per hunc actum canonizationis non intendimus aliquid facere, quod sit contra fidem, aut Ecclesiastem catholicam, sed honorem Dei.* Deinde alia voce sedens cum mira pronuncias in hunc modum: *Ad honorem sancte, & individuæ Trinitatis decernimus, & definitio beatæ memoriae N. in caelesti Hierusalem inter Beatorum choros jam receptum.* Nam non inde recte deducas, pronunciationem ipsam errori subjectam esse; nam simili protestatione usi fuerunt quidam timorati Pontifices usquequaque suammet potestatem non percallentes. Unde tale factum arguit tantum timoratum eorum conscientiam, & exiguum suæ potestatis peritiam: unde sequioris xvi Pontifices ab ea protestatione deinceps abstinerunt. Nec obstat sententia, qua D. Augustino vulgo tribuitur, in illis verbis: *Multo terribiliter venerantur, qui in infernis cruciantur.* Nam præterquam quod locus ille non reperitur inter opera D. Augustini, exaudiri debet de hominibus impiis, qui honorantur in terris magnis sepulchris, cum tamen animæ eorum crucientur in inferno; vel de corporibus fraude aliqua superpositis pro corporibus Sanctorum; vel tandem de Martyribus Donatistarum, qui ab ipsis hereticis pro Sanctis colebantur, ut docuerunt Cano dict. lib. 5. de locis, cap. penult. Sylvester in summa, verbo Canonizatio, Bellarminus tom. 1. contro. de Sanctor. Beatific. lib. 1. cap. 9. Manet ergo, Ecclesiam non posse errare in canonizatione Sanctorum. Sed hoc Ecclesiæ judicium certum non est ea certitudine, qua sit infra certitudinem fidei divinae; homini tamen cordato est tanta, ut non sinat eum nutare circa ejusmodi veritatem, ut post D. Thom. quodlibet 9. art. 16. docent August. Triumphus in summa de pœn. Eccl. quest. 14. numero 17. Joan. de Neapoli quodlibet 2. Corduba lib. 4. quest. 12. Bannes 2. 2. q. 1. dub. 7. Bellarm. de Sanctor. beatitud. cap. 9. Scarrarius lib. 2. Luan. quest. 11. Suarez de fide diff. 5. sett. 4. Vazquez in 1. 2. diffus. 165. numer. 94.

Theoph. de corona aurea, subnot. 2. verit. 8. & tom. 1. in Heter. p. 2. punct. 1.

Inde provenit alia, & gravis differentiatione beatificationem, & canonizationem; nam canonizatione nunquam licuit Episcopis, beatificatio vero primis Ecclesiæ taculis ab illis fiebat. Cum enim canonizatio opus clavis scientie sit, & usus ejus supremus, utpote quo nova propria sub fidei violata periculo ab universis fideliibus afferenda proponatur; decernere autem qua ad fidem orthodoxam spectant, solis D. Petri successoribus reservatum sit, tantum Pontifex potest Sanctos canonizare. Episcopatu[m] olim dum Martyres populo proponebant venerandos, inter Beatos recensebant eos, quandoquidem ovibus suis publicè colendos edebant, quos fatis neverant, aut evidentiâ facti, aut confitimi probatione, verè pro Domino, & ejus fiducie bussisse. Concil. Francford. can. 42. ibi: *Ut nulli novi Sancti colantur, aut invocantur, nec memoria eorum per vias erigantur; sed hi soli in Ecclesia venerandi sunt, qui ex auctoritate passionum, & via merito electi sunt.* Carolus Magnus in appendice, cap. 19. De Ecclesiæ seu Sanctis nostrarum fine auctoritate inventis, nisi Episcopo probante minime venerantur. Illos etiam ita feme[m] in Beatorum numerum relatos Romani Pontifices cum universam Dei Ecclesiam in id consipire cernerent, colendos publicè decernebant. Probat Datus de benefic. sett. 1. cap. 2. Quo pacto multi illorum à peculiari cultu beatorum ad universalem Sanctorum transibant absque eo, quod probationes denudò conficerentur, Vivat, supra, §. 5. Unde cognoscitur, male repentes in praesentis, & ferè omnes Doctores sup[er] laudatos, exhibitis Alexandrum III. in praesenti textu Sanctorum canonizationem libi reservasse, denegata ulteriori ea potestate inferioribus Pratalis, cum ut probatum manet, ex sua natura canonizatio ad Sedem Romanam spectet, nec fieri illo modo potest ab inferiori Pralato, ut infra in ratione decidendi latius probabimus. Nec in praesenti textu est aliqua clausula, qua jus novum redoleat, aut usitatum improberet; nec de canonizatione Pontifex agit, sed tantum prohibet, monachum illum in ebrietate occisum, quem alii monachi Martyrem prædicabant, pro Sancto venerari, etiam si per eum miracula fieren. Ex qua prohibitione non recte communiter deducitur, Alexandrum III. sibi reservasse canonizationem Sanctorum, & pro agnoscendis Sanctis canonizatis, vel non, valde perdocti viri curant de computatione temporis, in quo floruit Alexander. III. ita ut omnes Sancti, qui ante ipsum floruerunt, pro canonizatio habentur; post ipsum vero Alexander III. non ali, quam per Sedem Apostolicam canonizati. Notavit Vivat, supra, §. 6. Quisnam tamen Sanctus in solenni primus à Sede Apostolica canonizatus esset, liquidò non constat; legimus tamen Sanctum Sibertum primum Episcopum Werde, qui Frisones, Hollando[s], aliasque Germania populus in fide catholica instituerat, anno Domini 803, per Leônen III. ad instantiam Caroli Magni solenniter Sanctorum Confessorum catalogo suffitcriptum, ut referunt Sancti Lugdenus, & Marcellinus in ipsius Sancti vita, apud Surium tom. 1. Etiam Sanctus Udalricus Episcopus Augustanus canonizatus fuit à Joanne XV. anno 993 ut patet ex bullâ ipsius canonizationis. Pafchalis II. in catalo-

catalogum SS. retulit Petrum Episcopum Anagni anno 1110. ut constat ex ejus Bulla, quæ incipit, **Dominum:** & Innocentius II. anno 1134. 10. Kalendas Maji inter Sanctos recensuit Hugonem Episcopum Gratianopolis, in Bulla, quæ incipit, **Divinis:** Alexander III. solenniter Sanctum declaravit D. Bernardum Abbatem in Bulla, quæ incipit, **Contingit:** anno 1164. edita: & Eduardum Regem Angliae in Bulla, quæ incipit, **Illius.**

Rursum scendum est, beatificationem, quam Episcopi olim in propriis diocesibus faciebant Sanctos veneratione exponendo, Pontificem sibi reservasse, & meritò; nam aliquando ob segni-  
tatem aliquorum contigerat, fures pro beatissoli, ut refert Severus in vita S. Martini cap. 8. his verbis: *Erat non longe ab oppido proximus mona-  
sterio locus, quem falsa hominum opinio, velut con-  
seputis ibi Martyribus, consecraverat; nam & alta-  
re ibi à superioribus Episcopis constructum habeba-  
tur. Sed Martinus non temere adhibens certis fidem, ab his qui majoris natu erant, presbiteris, vel clericis flagitabat nomen sibi Martyris, & tem-  
pora passionis ostendens: grandi se scrupulo permoveris,  
quod nihil certi confitans sibi majorum memoria tra-  
didiisset. Cum aliquando ergo à loco illo se abstinuisse-  
set, nec derogans religionis, quia incertus erat; nec  
auctoritatem suam vulgo accommodans, ne superstitia  
corvalesceret, quadam die paucis secum adhibebat  
fratribus ad locum pergit. Deinde super sepulchrum  
ipsum stans oravit ad Dominum, ut quis esset, vel  
cujus meritis, sepelitus ostenderet. Tunc conversus  
ad levam, videt proprie assidere umbram sordi-  
dam, & trucum: imperat nomen, meritaque  
ut loqueretur: nomen edicis, de criminè cōfiteatur,  
laronem se fuisse ob sceleris percussum, vulgi errore  
celebratum: sibi nihil cum Martyribus esse commu-  
ne, cùm illas gloria, se pœna retineret. Mira res?  
Vocem loquenter qui aderant, audiebant; personam tamen non videbant. Tunc Martinus quæ vidisset,  
exposuit, insinque ex eo loco allare, quod ibi fuerat,  
submoveri, acque ita populum superstitionis illius  
absolutus errore. Jure ergo sibi Sedes Apostolica  
relictray beatificationem toti injuriis, ac fra-  
udibus expositam; à quo tamen tempore id fa-  
ctum fuerit, non constat. Ante Alexandrum III.  
cepisse credit Vivar. ad Marcum Maximum ubi  
suprà, §. 6. Beatificatio igitur solemnis, & cano-  
nizatio fit per Romanum Pontificem; non tam  
enim in animo est prosequi omnia, quæ ad San-  
ctorum canonizationem spectant, de quibus in-  
tegris libros ediderunt Conteliorius, Fortunat,  
Scacchus, Angelus, Roc. Mallucius, Franc.  
Penna, quem prælo dedit Torres 2. 2. **Divi Tho-  
me. dist. 17.** Beyerlinch. verbo *Canonizatio, tom. 2.*  
*Conradus Kling, lib. 4. loco. comm. cap. 42.* Tan-  
tum referam ritum hodiernum canonizationis.  
Ritus hodiernus talis est: cum perulgatur fama  
publica, & ex certis miraculis sanctitas alicuius  
defuncti proclamat, porrigi solet Sedi Aposto-  
licæ ex parte Principum, vel Regum, vel com-  
munitatum humilis supplicatio, ut tales San-  
ctorum fastis adscribere dignetur. Ad hæc Papa  
de consilio Cardinalium committit per breve  
aliquos Episcopos, vel Prælatos, ut informa-  
tiones diligenter instruant de sanctitate, &  
miraculis N. Præscriptum tenorem interrogato-  
rium, juxta quem legitimi testes examinandi  
sint, legi ab Urbano V. 1163. emanatum, pro in-  
formatione super vita, & miraculis Beatae Del-  
phinæ, sive in aliis fieri solitus est, præstito*

icit ab eis juramento veritatem dicendi super  
interrogationes, quomodo sciant, quo tempo-  
re, quo anno, quo mense, quo die, & quibus  
præsentibus, quo loco, ad cuius invocationem,  
& quibus verbis interpositis; & de omnibus eo-  
rum, circa quos miracula facta dicuntur, & si  
eos antea cognoscabant, & quot diebus antea  
viderunt ipsos infirmos, & fuerint fani, & de  
quo loco fuerint oriundi; & verba testis cuiuslibet plenè & distinctè fideliter redigantur in  
scriptis. Informationes transmitti solent per de-  
putatos hos commissarios ad Pontificem, quæ  
repræsentantur consilio Cardinalium, à quo or-  
dinariè alios commissarios deputari resolvitur.  
Iterum revisuntur informationes, hasque Pon-  
tifex tradit Consulibus, & Consiliariis justitiae  
sue, ut constet de probatione, an sit sufficiens,  
& in forma: quæ pro tali habitat, Papa iterum  
committit tres Cardinales, Episcopum, Presby-  
terum, Diaconum, ad verbalia singula exami-  
nanda, conferenda, & rigorose discutienda, an  
sufficient ad fidem certam faciendam, & omnino  
indubiam. Fit hujus examini propositio in Con-  
sistorio: & dicitur primò de excellentia vita, &  
fidei puritate N. & consequenter de sufficien-  
ter probata narratio miraculorum ejus; sive  
componitur historia de Sancto: deinde deliber-  
atur, si prefata sufficient ad canonizationem;  
hocque unanimiter asserto, Papa verificat, &  
approbat ex fine vita Sancti, & subsequitimi-  
miraculis historiam, scilicet legendam N. & concludit  
faciendam canonizationem: sic autem postea  
proceditur. Publicum celebratur Consistorium,  
& fedente Papa in mitra, Patronus Orator vitam,  
& miracula N. enarrat; & ideo nomine Princi-  
pis, aut communis supplicat humiliter suam  
Sanctitatem, ut N. canonizet, decernatque à  
cunctis fidibus pro Sancto haberi, & colla-  
Hinc Papaæ habet Consistorium secretum omnium  
Prælatorum Romæ, quos ad orandum exiit  
divinam Majestatem invitat, & ut sensum pro-  
prium in conscientia ingenuè aperiant: si una-  
nimiter concluditur canonizatio, Papa diem af-  
signat, & locum. Ipsi die Pontifex in templo  
destinato genuflexus aliquantulum orat, deinde  
ascendit thronum, ibique Cardinalium, Prä-  
latorum, Nobiliumque suscepit reverentia, ad  
Cathedram contra Altare positam descendit,  
ibique praecorazit Sanctum, cuius vitam, &  
miracula enarrat, invitataque adstantem coram  
ad orationem, ne DEUS permittat Ecclesiam  
suam errare in hoc negotio. Genuflexit ipse, Li-  
taniam dicit sine commemoratione Sancti N.,  
qua finita Procurator facit secundam instantiam,  
cui Secretarius respondet, orandum Deum. Post  
Papa intonat hymnum: *Veni Creator Spiritus;*  
quo decantato ascendit thronum; ibique dicit  
orationem, *Dens qui corda fidelium;* postque se-  
det. Tunc tertia vice Patronus, & cui ut pluri-  
mum adjunctus est, Cardinalis Promotor, seu  
Procurator, canonizationis tertiam faciunt instantiam,  
quibus Secretarius respondet, Sanctitatem suam piè credere, visum, & complacatum  
essi Spiritui sancto, ut præminatus N.  
Sanctorum numero adscribatur. Hinc unus Prä-  
latorum assistentium altâ voce legit sententiam  
summatis hæc continentem: *Quod ad hono-  
rem Dei, & exaltationem fidei Catholice, &  
augmentum religionis, auctoritate Dei Patris  
omnipotentis, & Filii, & Spiritus sancti, &*  
Aposto-

Apostolorum Petri, & Pauli, de consilio Patrum sua Sanctitas declaravit N. esse Sanctum, & pro tali inscriptum catalogo Sanctorum, dicens celebrandum ejus felatum tali die. Hoc factio Procurator, & Advocatus gratias referunt sua Sanctitati ex parte Regis N. vel communiat, & humiliter petunt diploma, seu Bullam concedi: quibus Papa signum crucis faciens respondet: Decernimus. Moxque ex jubilo commovetur populus, concrepant tympana, campanæ, tubæ, tormenta: interea Pontifex intonat Te Deum laudamus; qui à capella Pontificia decantatur: post Cardinalis Diaconus versiculum intonat, O rapro nobis sancte N. cui responderetur, Ut digni, Ecce, Papa adjungit orationem propriam: mox Diaconus dicit, Confiteor, & addit, atque Beato N. Et omnibus sanctis. His peractis Papa intonat Tertiam, quam chorus decantat. Interē ad Missam celebrandam paratur Papa, & specialis Missa appropriatur Sancto à Doctore Cathedrae, & ab ipso Pontifice, cum oratione singulari. Ad offertorium magnifica oblationes praesentantur à Cardinali Promotore, & aliis, qui nomine Regis institerunt. Completa Missa conceditur Indulgencia plenaria, & Papa solenniter deportatur in Palatium præcedente Senatu Cardinali.

9. Traditur ratio deci-  
dendi.  
Ex suprà traditis facile cognoscitur ratio præsentis textus; cum enim Sanctus canonizatus proponatur ab omnibus fidelibus adorandus, & nemo nisi Pontifex præsit cunctis fidelibus, qui est omnium ordinarius iudex, cap. cuncta, cap. per principalem 9. queß. 3. tantum Pontifex potest Sanctos canonizare. Accedit quia solennis canonizatio est una de majoribus causis, quæ inter Christianos proponi potest, & per consequens ejus cognitio ad Pontificem spectat, ex iuribus adductis in cap. majores, de baptismo. Deinde quia miraculorum approbatio inter fiduci questiones recensetur: sed quæstio fidei ad Pontificem referenda est, cap. quotiens 24. queß. 1. cap. majores, de Baptismo. Igitur tantum per Pontificem canonizatus publicè venerari potest; unde cum Monachus, de quo in presenti, non fuisse per Pontificem inter Divos relatus, aut publicè venerationi propositus, non poterat pro Sancto Martyre venerari, ut falsò cæteri monachi illum prædicabant. Nec aliquid interest, quod per illum miracula fierent, sicutdem certum est, improbus homines, id est mortali culpa obstrictos, sed fideles, posse demonia ejicere, aliaque miracula, quæ per virtutes significantur, edere: & non raro edidisse, multis exemplis, & auctoritatibus Scripturae compertum est; Saal enim postquam ab eo Dominus discesserat, Davidem innocentem perseguens, cum in cunem Prophetarum venisset, facto super eum Spiritu Domini, cum cæteris prophetavit. Unde exit proverbium: Num & Saul inter Prophetas? 2. Regum cap. 19. Prophetavit & Caiphas homo impius, quia Pontifex erat anni illius, Joannis cap. 11. Matthæi cap. 10. Idemque aperte colligitur ex illis verbis Christi Domini apud Matthæum cap. 7. Multi dicent in illa die: Domine nonne in nomine tuo prophetavimus, & in nomine tuo demonia ejecimus? Quibus non respondet ipsos mentiri, aut falsum dicere, quemadmodum responsum est, si non vere prophetarent, & demones ejecissent, aut vera miracula non fecissent; sed tantum, Non novi vos; notitia scili-

cet approbationis, ut vocant Theologi. Apostolus denique 1. ad Corinthios, cap. 13. fatigatur, per fidem absque charitate miracula patrari posse, dum ait: Si habuero omnem fidem, ita ut montes transferam, charitatem autem non habuero, nihil sum. Immò Judæi, Pagani, Hereticique vera miracula fecerunt; nam Balaam fatus alioquin, & infidelis Propheta, præclarus de Christo, cujus ortu edidit prophetiam, ut probat D. Chrysostomus homil. 25. in Matthæum. Posunt itaque mali, & infideles invocato Christi nomine, aut divina virtute, demones expellere, aliaque miracula facere, si Deus eorum ministerio uti, aut cum ipsis, ut instrumentis, concurre dignetur ad ipsorum, aut aliorum utilitatem, aut ad manifestandam suam gloriam, & virtutem, modò non id attendent, aut prefigunt ad confirmationem sui erroris, aut falsi dogmati: nam & Julianus Apostata signo crucis facti demones subito effugavit, teste Gregorio Nazianzeno, orat. 1. in Julianum: & Theodoreus lib. 3. hisp. Eccles. cap. 3. Sozomenus lib. 5. cap. 2. Epiphanius hæresi 30. referuntur de Josepho homine Judæo, quod necrum credens in nomine IESU hominem à demone obfusum liberavit. Faciunt textus in cap. multa, cap. teneamus, cap. prophetavit 1. queß. 1. latè probant Richard, Smithius in floribus Ecclesia Anglie, lib. 1. cap. 19. Gazeus ad Cæsarium collat. 15. cap. 6. Aloix ad vitam S. Justiniiani, cap. 2. Zerola in præcepto miraculum, num 3. P. Gregor. lib. 13. de Republic. cap. 24. Eccl. 25. Maldonatus, super Matthæum cap. 7. Martinus Delrio lib. 2. diliguit magis queß. 7. Malvenda de Antichrist, lib. 6. cap. 1. queß. final. & lib. 7. cap. 15. Borel de præstant. Regis, cap. 55. Robertus lib. 1. ver. judic. cap. 5. R. Phæl de la Torre in 2. 2. queß. 9. artic. 2. dispu. 4. & 2. tom. de virtutis oppositis relig. queß. 95. in prælud. dispu. 2. Torreblanca de mag. lib. 2. cap. 11. Eccl. 26. Suarez de fide dispu. 4. scđ. 3. Solorzanum, 1. de jure Ind lib. 2. cap. 3 num. 5. 4. Ideo miracula etiam vera non subministrare necessarium argumentum ad probandum veritatem doctrine, ex multis Patribus firmarunt Maldonatus supra, Toleius in cap. 9. Joannis, annot. 9.

Nec obstat dubitandi ratio suprà adducta; auctoritates enim in ea congregata procedunt iuxta antiquum Ecclesiæ morem, secundum quem Episcopi potenter Martyres, & Confessores in propriis diœcesibus publicè venerationi exponere: at postquam beatificatio Sanctorum Romanæ Sedis est reservata, Episcopi nequunt aliquid circa venerationem defunctorum statuere. Possunt tamen Beatum semel pro aliis urbis venerationi expositum, suorum etiam venerationi proponere, vel etiam quemlibet ex his, qui in Romano Martyrologio adscripti reperiuntur, etiam venerationi exponere; cum illi omnes beatificati jam reperiuntur, ut probat Vivar. ubi supra, §. 7. pertinet. Nec obstat augmentum deducendum ex dict. cap. venerabilis, defensib.: nam in eo textu Episcopi ex delegatione Pontificis tantum recipiebant testes super vita, & miraculis B. Mauricii; non vero procedebant ad ipsam canonizationem, quam nec ex delegatione Pontificis facere poterant: quia potestas hac definiendi infallibiliter tantum Sedis Apollonicae est concessa, & Romano Pontifici tantum promissa assistentia Spiritus sancti; ita ut non possit errare in Decretis pro tota Ecclesia faciendis, ut do-

erunt Aragon. 2. 2. quest. 1. artic. 10. Castro suprā dixi. Nec tandem obstat, quod de miraculis expendebamus; nam licet miracula magnum praebeant sanctitatis argumentum, non ideo infertur, ea facientes Sanctos esse, atque ita venerari posse absque approbatione Sedis Apostolicæ; siquidem ea miracula falsa esse possunt, ut suprā probavi, aut ex causis naturalibus provenire: quare similis miracula accuratè examinatur a Cardinalibus sacræ Congregationis rituum, ut latè constat ex traditis per Paulum Zacchiam libro 4. q. Medico-legal. tit. 1. de miraculis, & tom. 2. consil. 10. cum sequent. Carrasco ad leges Recopil. cap. 5. Hurtado de vero martyrio, resol. 4.

## C A P U T II.

## Innocent. III in Concilio (a) Generali.

**C**um ex eo, quod quidam Sanctorum reliquias venales exponunt, & eas passim ostendunt, Christianæ religioni detractum sit læpius; ne in posterum fiat, præsentis decreto statuimus, ut antiquæ reliquiae amodò extra (b) capsam nullatenus ostendantur, nec exponantur venales: inventas autem de novo nemo publicè venerari presumat, nisi priùs auctoritate Rom. Pont. fuerint (c) approbatæ. Prælati verò non permittant illos, qui ad eorum Ecclesiæ causâ venerationis accedunt, vanis figuris, aut falsis (d) decipi documentis, sicut in plerisque locis occasione quæstus fieri consuevit.

## N O T A E.

(a) **G**enerali.] Lateranensi videlicet, celebrato sibi Innocentio III. ubi capite 62. reperitur præsens textus, & in capite 2. de immunitate Eccles. in 4. compil. de quo Concilio nonnulla adduxi in capite 1. de summa Trinitate.

(b) **C**apsam.] Capsa est articula, seu repositoriū l. 3. §. 1. ff. de supelletili. legat. Gregorius Turonensis lib. 3. bis. capite 11. ibi: *Nam sexaginta calices, quindecim patenas, viginti Evangeliorum capsas detinunt, omnia ex auro purissimo gemmis pretiosis ornata.* Camuladensis lib. 1. const. capite 22. *Nullus habeat capsam, aut quidquam aliud in cella cum clavi ita obfirmatum, aut clavum, ut à Prelato valeat aperiri.* Eo etiam in sensu capsula pro repositorio, & thecula reliquiarum ponitur à Cæsario libro 8. capite 67. ibi: *Bernardus monachus reliquias Beatorum Joannis, & Pauli in capsula ad latum portabat.* Notavit Zerola in advers. capite 32. Qui autem capsari dicuntur in l. 3. §. utim. ff. de officio Prefect. vigil. l. 13. ff. de manumisso vindict. exponunt Cujac. lib. 5. ibi, capite 8. Pöletus lib. 2. hist. fori, cap. 4. D. Laurent. Ramírez ad Martialem lib. 4. epigr. 19. Dürleans ad Tactum, fol. 87.

(c) **Fuerint approbatæ.**] Quam approbationem majores nostri vindicationem dixerunt, ut constat ex Optato relato suprā capite 1. & ex his quæ refert S. Augustinus in breviculo collat. capite 13. fuitque planè necessaria ea vindicatio, ne facile reliquiae falsæ pro veris obtruderentur, ut defectu hujus examinis, vel malignitate impiorum aliquando ad tempus

contingit. Exempla extant apud Sulpitium in vita S. Martini, capite 9. Turonensem libro 9. bis. capite 5. Glabrum libro 4. hist. capite 3. Neubrigense, libro 5. capite 20. & 21. quos refert Theophilus tom. 15. in Heterocl. punct. 8. fol. 307. In Concilio Tridentino sess. 25. in decreto de Sanctorum reliquiis videtur hæc facultas concedi Episcopis, his verbis: *Circa reliquiarum venerationem nulla eriam admittenda esse novam miracula, nec novas reliquias recipendas, nisi eodem recognoscente, & approbante Episcopo, qui simul atque de his aliquid conpertum habuerit, adhibuis in Consilium Theologis, & alijs suis viris, ea faciat, qua veritati, & pietati conscientia judicaverit.* Synodus Picciavensis anno Christi 1387. celebrata, vetat corpora mortuorum de novo inventa adorari, & ipsa corpora pro sanctis coli, nisi ab Episcopis fuerint approbata. Tolosana anno 1590. ita decretit: *Singularis diocesis sua reliquias viris spectata integratas, & doctrina, prudentiaque conspicuis visitandas, notandasque quamprimum Episcopi consultantes, earumque nomina, numerumque amplissimis testimonis obsignatum in libro, in Episcopali archivo diligenter asservanda describent, nullasque demeptas, quas ipsi premissa solicita inquisitione non approbaverim, populo venerandas proponi finant.* Quas & alias constitutions refert Bochellus libro 4. Decretorum Ecclesiæ Gallie. titul. 5. Unde Barbosa de posest. Episc. alleg. 96. numero 1. afferit, texum hunc derogatum esse per Concil. Tridentinum: quem etiam sequitur Hurtado de vero Martyrio, resol. 43. b. 13. licet agnoscent magnam difficultatem, quare Episcopus possit reliquias

LIII Martyris